

VESTFJARDALÍNA

þverun à Gilsfirði, könnun à þykkt setlaga

Ágúst Guðmundsson
Birgir Jónsson
Arnlaugur Guðmundsson
Jósef Hólmjárn

OS - ROD - 7812

Unnið fyrir
RARÍK, Línudeild
April 1978

Hrefra

 ORKUSTOFNUN
Raforkudeild

VESTFJARDALINA

Þverun à Gilsfirði, könnun à þykkt setlaga

Ágúst Guðmundsson
Birgir Jónsson
Arnlaugur Guðmundsson
Jósef Hólmjárn

OS-ROD - 7812

Unnið fyrir
RARÍK, Línudeild
April 1978

EFNISYFIRLIT

Inngangur	bls.	1
Fyrri rannsóknir	"	2
Notkun af lmikilla hljóðbylgjutækja við þykktarmælingar á setlögum	"	4
Framkvæmd Boomer þykktarmælinganna	"	6
Jarðsveiflumælingar	"	7
COBRA boranir	"	7

TÖFLUR

1. COBRA borun bls. 8
2. Jarðsveiflumælingar S-1 til S-6

MYNDIR

1. Skýringarmynd af uppsetningu
tækja við setlagarannsóknir bls. 5
2. COBRA borun í Gilsfirði (GC-1)
3. Kornastærðarlinurit; yfirborðs-
sýni úr mórenu af leirunum út
af Kaldrana.
4. Kort og þversnið er sýna þykkt
setlaga í Gilsfirði (kort saman-
brotið í vasa).

VESTFJARDALÍNA
ÞVERUN Á GILSFIRÐI
KÖNNUN Á ÞYKKT SETLAGA

Inngangur

Dagana 29. sept. til 4. okt. 1977 voru framkvæmdar Boomer endurkastsmælingar (Boomer reflection) og jarðsveiflumælingar (Seismic refraction) á botnseti í Gilsfirði að beiðni Línudeildar RARIK, vegna væntanlegrar Vestfjarðalínu. Einnig var boruð ein hola í setið með COBRA jarðgrunnsbor. Mælingarnar unnu starfsmenn Orkustofnunar, þeir Jósef Hólmjárn, Arnlaugur Guðmundsson og Ágúst Guðmundsson í samráði við Birgi Jónsson.

Til verksins var fenginn dráttarbáturinn Hrútey frá Reykhólum ásamt skipstjóra. Boomer-mælingarnar voru gerðar á stórstraumsflóði að morgni og kveldi en jarðsveiflumælingarnar framkvæmdar á fjörunni um miðjan daginn.

Sprengd voru tvö jarðsveiflusnið (S 6, A og B og S 5, A og B) til þess að fá fram hljóðhraða setlaganna, auk þess að kanna dýpi á klöpp. Staðsetning þessara jarðsveiflusniða ásamt staðsetningu eldri jarðsveiflumælinga frá 1976 er sýnd á meðfylgjandi korti (Mynd 4 í vasa).

Berggrunnurinn við utanverðan Gilsfjörð er gerður úr basalthraunlögum og hallar þeim til SA eins og sjá má við Króksfjarðarnes. Leirurnar úti á firðinum eru úr lausu eða hálfsamliðu seti en upp úr því standa brúnir hraunlaga, svo sem í Garpsdalsey og nærliggjandi skerjum. Var því markmið rannsóknarinnar að kanna sem nánast þykkt og þéttleika þessara setlaga með það fyrir augum að reisa á setinu eða undirlagi þess burðarmöstur fyrir háspennulínu.

Fyrri rannsóknir

Árin 1963 og 1964 gerði Haukur Tómasson nokkrar jarðfræðilegar athuganir við Gilsfjörð vegna fyrirhugaðrar háspennulínu yfir fjörðinn. Auk þessara athugana voru á sama tíma framkvæmdar dýptarmælingar í firðinum á vegum Sjómælinga Íslands og gert dýptarkort. Haukur benti á að skerin í firðinum væru almennt efri brúnir hallandi hraunlaga og að leirurnar væru til orðnar vegna sjávarrofs á gömlum jökulgörðum. Væri grjótdreifin á leirunum til komin á þann hátt að sjórinn hafi skolað finna efninu í burtu.

Orðrétt segir í greinargerð Hauks: "Hæðardrag það sem liggur með sjónum í Saurbænum, er gömul jaðarurð jökuls frá síðustu ísöld. Þessi jaðarurð hefur haldið áfram yfir Gilsfjörð og eru leirurnar þar að einhverju leyti leifar þeirrar jaðarurðar. Hefur hún brotnað niður af ágangi sjávar. Hin bogadregna fremri brún mórenunnar kemur vel fram á korti Gunnars Bergsteinssonar (Sjómælingar Íslands, 3/5 '64) sem ytri brún þess svæðis sem upp úr kemur á flóði. Þar sem innsýn er í jaðarurðina, virðist hún vera leirrík mórena og eru mörg skriðuför í henni. Þar sem hún snýr að sjónum. Þegar vaðið er út frá Kaldvana í átt til Garpsdalseyjar, sést viða á mórenuna í botni og virðist hún liggja þar undir örþunnri dreif af sandi og steinum. Sýnishorn var tekið af mórenunni úti á leirunum og var kornastærðardreifing sýnishornsins mæld. Um 50% af sýnishorninu er méla og 10% leir. Passar þessi kornastærðarsamsetning vel fyrir jörð sem á að vera nokkuð skriðuhætt sem og hún virðist vera út frá últiti hennar við Kaldvana. Sjá mynd 3.

Nokkur greinileg sker standa upp úr leirunum. Virðast þau liggja í þrem skerjaröðum. Í vestustu skerjaröðinni er Nónsker, í miðskerjaröðinni Garpsdalsey og Eyjabarn og sennilega nær hún upp undir Kaldvana og ver hann ágangi sjávar. Á tveimur stöðum á þessari skerjaröð er svo mikið um björg ofan á leirunum, að líklegt er, að þar sé fastur berggrunnur rétt undir. Annar staðurinn er 2-300 m frá Kaldvana en hinn staðurinn rúman km úti. Í austustu skerjaröðinni er eitt sker".

"Ekki er ljóst hvort öll leiran út af Kaldrana er mórena að stofni til en austan til sér ekki á mórenuna, heldur eru þar sandeyrar sem sennilega eru á stöðugri hreyfingu".

Enn segir í skýrslu Hauks:

Tæknilegir eiginleikar.

"Sandur og möl hafa þann eiginleika, að auðvelt er að reka niður staura og annað en í hinum mikla straumi í Gilsfirði er hætt við að grafist frá staurum í sandi. Þurfa því undirstöður að ná nokkuð niður í sandinn. Ekki er hætt við neinu sigi í sandi og möl".

Mórenan er mjög hörð þegar undir yfirborði. Ekki er fullvist hvort unnt er að reka staura í hana.

Horfið var frá því að leggja stauralínu yfir fjörðinn og í stað þess var lagður sæstrengur. Árin 1975 og 1976 mældu Landmælingar OS fyrir nýrri háspennulínu (Vestfjarðalínu) frá Hrútafirði, vestur í Mjólkár-virkjun. Í skýrslu um mælingarnar kemur fram að á gryningunum við norðanverðan fjörðinn sé góð undirstaða (klappir), þ.e. frá Þráðuskeri til norðurs.

Í sept. 1976 gerðu Sveinn Þorgrímsson og Jósef Hólmjárn jarðsveiflu-mælingar í Gilsfirði í samráði við Birgi Jónsson, til þess að kanna þykkt botnsetanna í firðinum vegna fyrirhugaðrar Vestfjarðalínu. Í framhaldi af athugun þeirra var gerð rannsókn sú sem hér er lýst. Sérstaklega skal á það bent, að nokkur breyting hefur orðið á þeirri mynd sem áður var sett fram af botnlögum í Gilsfirði, frá Kaldrana út í Eyjarbarn (mynd 2 í skýrslu OS-ROD-7724, Birgir Jónsson 1977) og er sú breyting til orðin í ljósi nýrra upplýsinga með Boomer-mælingum og endurskoðaðra staðarákvarðanna.

Notkun aflmikilla hljóðbylgjutækja við þykktarmælingar á setlögum.

Eðli Boomer-mæliaðferðarinnar.

Mæling á sjávardýpi og þykkt jarðlaga með hljóðspeglunaraðferð (Seismic reflection) fer fram á þann hátt að búin er til hljóðbylgja með sprengi-efni, rafsegulshamri (boomer) eða einhverri annarri snöggri hreyfingu hljóðgjfans. Bylgjan berst síðan út í því efni, (t.d. sjó) sem umlykur sendinn. Á mörkum annars efnis t.d. á sjávarbotni, endurkastast hluti orkunnar en hluti berst inn í hitt efnið og getur endurkastast frá enn öðrum lagamótum í því.

Tíminn sem líður frá því að bylgjan lagði af stað frá sendinum og þangað til hinn endurkastaði hluti hennar berst aftur til móttakarans er síðan mældur nákvæmlega. Sé hljóðhraði í viðkomandi efni þekktur má auðveldlega reikna út vegalengdina frá sendi til þess staðar sem bylgjan endurkastast frá og þar með þykkt einstakra jarðlaga. Fjallagöð á milli sendis og móttakara er venjulega lítil, miðað við vega-lengd þá sem endurkastaða bylgjan fer.


Aðeins hluti orkunnar frá sendinum endurkastast frá lagamótum og berst aftur til móttakarans, hinn hluti orkunnar tapast í efninu. Fer það einkum eftir gerð efnisins og svo tíðni (bylgjulengd) bylgjunnar, hversu mikil orka tapast og hve auðveldlega bylgjan berst í gegnum efnið. Almennt má segja að eftir því sem öldulengdin er meiri (og þá tíðnin lægri) þeim mun auðveldar berst orkan áfram í set og berglögum. Venjulegir dýptarmælar skipa hafa háa tíðni, þannig að bylgjur þeirra endurkastast að mestu strax við sjávarbotninn en tæki sem eiga að kanna lög undir sjávarbotni hafa mun lægri tíðni til þess að bylgjur þeirra smjúgi niður í botnlögin. Við setлагаathuganir á grunnsævi þykir hentugt að nota bylgjur á tíðnisviði 100-1000 Hz séu setlögini ekki þykkari en nokkrir tugir metra.

Upplausn eða hæfileiki hljóðbylgjutækja til að greina sem þynnst lög eru í öfugu hlutfalli við bylgjulengdina þannig að þykkt þynnstu laga sem greind verða er af sömu stærðargráðu og bylgjulengdin (500 Hz. samsvara um 3 m bylgjulengd í sjó og leir). Af framansögðu má ráða að við setlagamælingar verður að þræða hinn gullna meðalveg milli þess

hversu nákvæma sundurgreiningu á hinum ýmsu þáttum setsins á að fá fram og þess, hversu djúpt á að skyggast í setlögini.

Eðlisfræðilegir eiginleikar jarðlaga stjórna hegðun hljóðbylgja sem berast um þau. Hljóðbylgjur berast auðveldlega gegnum sum lög eins og t.d. leir, sand og óharðnað set. Aftur á móti endurkastast mest-öll orka hljóðbylgjanna frá hraunlögum og hörðum setlögum eins og t.d. samliðum jökulruðningi. Þess ber sérstaklega að geta að set úr lifrænum plöntu- og dýraleifum (svo sem skeljasandur) og þétt botnþang eru nær alveg ógegnsæ gagnvart hljóðbylgjum. Því getur verið erfiðleikum bundið að kanna botngerð neðan slikra laga. Nákvæmni þessarar mæliaðferðar er oftast um 10% en við erfiðar aðstæður getur hún farið langt út fyrir þau mörk svo sem ef skeljasandur eða mikill botngróður hylja undirlagið.

Hér á eftir er sýnd skýringarmynd af uppsetningu tækja við setlagarannsóknir. Mældur er tíminn sem tekur hljóðoldu að fara frá sendinum, endurvarpast frá botnlögum og berast til nemans. (eftir Axel Björnsson '75).



Framkvæmd Boomer þykktarmælinganna.

Forsenda þess að hægt sé að kanna þykktir setlaga með Boomer endurkasti, er að vita sem nánast hljóðhraða þeirra, vegna þess að dýpið er reiknað út frá jöfnunni, vegalengd = hraði × tími. Reyndist hljóðhraðinn í þessum setlögum oftast vera 1,5-1,6 km/sek en fór upp í 1,9 km/sek á afmörkuðum svæðum og er líklegt að hörönun á setinu valdi þeim hækkaða hljóðhraða sem þar mældist. Sent var út hljóðmerki með 0,9 sek. millibili og mælt á tíðnisviðinu 300-600 Hz. Þar sem það virtist gefa besta raun. Síðan var siglt á nálægt 2ja sjómílna hraða. Reynt var að sigla samsíða línur með nálægt 100 m millibili en vegna mjög harðra strauma urðu siglingalinurnar æði hlykkjóttar. Linurnar eru teiknaðar inn á meðfylgjandi kort (mjóar brotalínur) og tölusettir staðarákvörðunarpunktar sem starfsmenn Rafmagnsveitna ríkisins mældu jafnóðum, eru látnir fylgja með. (Sjá mynd 4 í vasa).

Víða fékkst gott endurkast frá "klöppinni" undir setlögnum en annarsstaðar urðu niðurstöðurnar óljósar líklega vegna þess að botnþangið truflaði mælingarnar. Tulkun á niðurstöðum setþykktarmælinganna er sýnd á meðfylgjandi korti, þar sem reynt er að sýna landslagið undir botnsetinu, eins og það birtist á útskrift Boomer-sveiflutækisins. Sýnd eru 2 snið gegnum botnsetið en við vinnslu kortsins voru gerð þversnið gegnum setið eftir öllum siglingalinunum og eru þau gögn til á Raforkudeild Orkustofnunar.

Ekki virtist setið vera samfellt einleitt efni yfir allt svæðið heldur fannst "harðara" lag í setinu á 4-8 m dýpi um 1 km norður af tá Kaldvana og liggur lagið þaðan í átt að þverskurðarlínu A-B.

Vegna þess hve víða var grunnt á "klöpp" samkvæmt útskrift Boomer tækisins og sökum þess að um 7 m eru á milli sendis og móttakara (til þess að minnka truflanir) var ferðalag endurköstuðu bylgjunnar reiknað sem um þríhyrning væri að ræða og var þá fjarlægðin frá bátnum til "klappar" (það sem reiknað var) önnur skammhlið þríhyrningsins, eftir að honum hafði verið skipt í tvennt um lóðréttu línu.

Auk þess var reiknað með hljóðhraðanum 1,5 km/sek sökum þess að hljóðhraði setlaganna var viðast 1,5 - 1,6 km/sek. Sjávardýpið var sem næst 4 m á meðan mælingar voru gerðar. Þessar forsendur geta því líklega leitt til sem næst 15% skekkju á takmörkuðum svæðum, þar sem hljóðhraði setlaganna hækkar (þ.e. raunverulegt dýpi á "klöpp" er þar nokkru meira en virðist á þversniðunum).

Jarðsveiflumælingar

Þær mælingar sem gerðar voru 1976 og eru staðsettar á kortinu eftir þverskurðarlínu A-B (merktar A.1.A-B til A.4.A-B) sýndu að liðlega 20 m dýpi er á klöpp undir mælistöðunum. Boomer mælingum ber vel saman við þessar niðurstöður. Aftur á móti sýna jarðsveiflumælingar sem gerðar voru 1977 á stöðum S.5.A-B og S.6.A-B um 5-6 m meira dýpi en fram kemur með Boomer endurkasti. Tafla 2 sýnir helstu niðurstöður jarðsveiflumælinganna, svo sem þykkt laga og hljóðhraða.

COBRA boranir

Cobra er nafn á litlum jarðgrunnsbor og rekur hann niður stangir sem eru 25 mm í þvermál. Borinn lemur á stangirnar líkt og lofthamar og er síðan hægt að geta sér til um eiginleika þess efnis sem borað er í út frá þeirri móttöðu sem stangirnar verða fyrir. Hámarksþykkt lausra setlaða sem unnt er að kanna með þessum bor er um 20 m. Vex ónákvæmni í aðgreiningu einstakra laga innan setsins er neðar dregur m.a. vegna núningsmóttöðu stanganna við holuverginn. Meldur er sá tími sem það tekur borinn að lemja stangirnar niður um hverja 20 cm og er þetta síðan fært inn á borhraðalinurit „borhraði í sek/20 cm.

Áætlað var að bora nokkrar holur í Gilsfirði um leið og Boomer mælingarnar voru gerðar en vegna slæmra veðurskilyrða náðist aðeins að bora eina holu norðvestur af Nónskeri (merkt GC-1 og er borhraðalinurit hennar sýnt á mynd 2).

Svo sem sjá má af línuritinu er efsti hluti setsins mjúkur og gengur borinn auðveldlega í gegn um fyrsta metrann. Síðan fer setið að harðna og á tveggja metra dýpi er mjög þétt lag um 1 m að þykkt en síðan koma tæplega tveir metrar af lausara seti uns klöpp eða mórenu

er náð á 4,8 m dýpi. Til samanburðar má geta þess að mölin í holtunum í Mosfellssveit og þar sem stóru malarnámurnar eru norðan við Þingvalla-veginn skammt ofan vegamóta Vesturlandsvegar, hefur borhraða sem almennt mældist vera á bilinu 20-50 sek/20 cm. Á þessum holtum hafa bæði verið reistar byggingar og háspennulinur. Er harða millilagið í borholunni í Gilsfirði mun þéttara en efnið í þessum holtum.

Vegna þess að botnsetið í Gilsfirði er mjög fínkorna efni (svo sem sjá má á kornastærðarferli á mynd 3), er líklegt að samloðun í setlögunum valdi verulega hægari borhraða en vænta mætti af möl með svipað burðarþol og er þess vegna ekki hægt að heimfæra töflu 1 upp á setlögin í Gilsfirði, enda þótt hún gefi nokkra vísbendingu.

Út frá samanburði við Borro boranir og ónákvæmar upplýsingar um samband burðarþols og borhraða með Borro bor má mjög gróflega heimfæra þessar burðarþolsupplýsingar yfir á Cobra borun og skal því sett upp eftirfarandi tafla um þetta samband og gildir hún aðallega fyrir möl.

Tafla 1.

Borhraði sek/20 cm	Burðarþol kg/cm ²
1-5	< 1
5-10	~ 1
10-20	~ 2
20-60	~ 3

Enn skal hér undirstrikað að Cobra borinn er svo ónákvæmur í þessu tilviki að aðeins má líta á þetta sem grófar ágiskanir.

Heimildir:


Axel Björnsson 1975. Mæling setlaða á sjávarbotni. Tímarit verkfræðingafélags Íslands. v 60 bls. 18-22.

Birgir Jónsson 1977. Vestfjarðalína. Þveranir á Gilsfirði og Þorska-firði. Jarðsveiflumælingar OS-ROD-7724.

Haukur Tómasson 1964. Lýsing á jarðfræðilegum aðstæðum í línustæðum yfir Gilsfjörð. Raforkumálastjóri Orkudeild (óbirt handrit 12.5.1964).

Landmælingar OS 1976. Vestfjarðalína. Lega og hæð stöðva í línustæði úr Hrútafirði í Reykhólasveit. OS-ROD-7602.

Landmælingar OS 1977. Vestfjarðalína II. Lega og hæð stöðva í línustæði úr Reykhólasveit að Mjólká. OS-ROD-7703.



ORKUSTOFNUN
Raforkudeild

TAFILA 2

Hæð nr.	Staðsetning		Hæð		Hljóðhraði, km/s			þykkt, m		Dýpi, m á 3. lag H ₂
	X—hnít	Y—hnít	m.y.s.	V ₁	V ₂	V ₃	V _U og V _d	V _f	I. lag h ₁	2. lag h ₂
S 1 A	Sjá kort		0	1,6	3,1				22	
S 1 B	— " —	Sjá kort	0	1,5	2,8				20	
S 2 A	— " —	— " —	0	1,6	3,3				22	
S 2 B	— " —	— " —	0	1,5	3,3				23	
S 3 A	— " —	— " —	0	1,6	3,4	3,7			28	
S 3 B	— " —	— " —	0	1,6	4,1				26,5	
S 4 A	— " —	— " —	0	1,5	3,1	3,3			25	
S 4 B	— " —	— " —	0	1,5	3,6				24	
S 5 A	— " —	— " —	0	1,7	3,1	3,4			11,6	
S 5 B	— " —	— " —	0	2,0	3,6				15,5	
S 6 A	— " —	— " —	0	1,9	4,3	3,7			29	
S 6 B	— " —	— " —	0	1,9	3,1				21	

JÅRÐSVEIFLUMÆLINGAR

Staður : GILSFJÖRÐUR

1976.09.1977.....

V = velocity / hjoðhrati
 u = up-dip / hallar upp
 d = down-dip / hallar niður
 t = true / réttur



COBRA borun í Gilsfirði 3/10. 1977

Borhraði er mældur sem sek / 20 cm

Notaður var kantaður oddur Ø 28mm

'78-04-13. A.G./Ó.D.

T. 191


B-283


F. 16816

MYND 2

GC-1

Leirbotn með grjótdreif á ca. 1 m. dýpi á fjöru





ORKUSTOFFNUN
Raforkudeild


26.4.1978 SKP/BJ/Gýða
T-192

B-283

F-16842

VESTFJARDALINA
þVERUN Á GILSFIRÐI
Leirur út af Kaldrana, yfirborðssýni úr mórenu
Sa-1 K-76 (Sv.P. maí 1964)

MYND 3



MYND 4

GILSFJÖRÐUR

ORKUSTOFNUN

VESTFJARDALÍNA
